

【中吕】迎仙客

霜叶拍、衬人怀。深院鹅黄垂地栽。月移来、寂寞白，一点青苔、俱是伤神色。

【小石调】青杏儿

春也欲何之？教繁华惆怅如斯。消磨着经史开篇句，千金不是，功名不是，却说相思。
风后乱残丝，渐昏黄淡月杨枝。那人儿梦里依稀是，别离也罢，相逢也罢，更住些时。

一半儿·咏大叶海棠

情方缱绻气方闲，花信矜收红较晚。描也难成诗更懒。只寻看，一半儿胭脂一半儿赧。

【南商调】金络索

纱窗黄昏急，绣帘寒风骤。寂寞菱花，一缕轻烟瘦。

落红归何处？无人收。夜雨飘零一院秋。

三杯两盏黄花酒，谁与同销万古愁？和衣睡，东厢一梦到西洲。

莫念采莲南塘秋，雁走云飞，空揽西风满袖。

【中吕】满庭芳

祖席离唱，黄花闲依傍，雁过夜初长。离合聚散浑无数，最叹参商。

说无缘？并星宿云汉凝光。说有缘？异升降佳期杳茫。

比上苍，方知世上，别离太寻常。